



22122

fol. komp.

III

Mag. St. Dr.

P

Wojewodski Pauli Joan: Leo Wojensius, gentilitius
flamini et praeclaris virtutibus optimus.

PANEG. et VITAE

Polon. Fol.

Æ. 1661.

Biblioteka Jagiellońska



stdr0003037

LEO WOIENSCIVS,
GENTILITIIS FLAMMIS,

E T
PRÆCLARIS VIRTVTIBVS SPLENDIDVS,
S O L E N N I D I E N A T A L I,

Perillustris, & Reuerendissimi Domini,

D. STANISLAI

A B R Z E Z I E

W O I E N S K I.

ECCLESIAE CATHEDRALIS CRACOVIENSIS

C A N O N I C I

&c. &c. &c.

S: R: M: SECRETARII

Votis Amicorum, applaudente Suada,

C E L E B R A T V S.

P E R

*M. PAVLVM JOANNEM WOIEWODZKI, Philosophiæ in Alma Vniuersitate
Craconiensi Professorem.*

Anno Nascentis inter Homines, LEONIS DE TRIBV IVDA;

M.DC. LXXII. VIII. Idus Maij.

C R A C O V I Æ,

Apud ALBERTVM GORECKI, S. R. M. Typographum.



Optimos mortalium, altissima cupere. Sic Herculem & Liberum,
 apud Græcos, Quirinum apud Romanos, Deum numero addi-
 tos.

Cornel: Tacit: Annal: lib: 4.

22/22



AD
PERILLVSTREM
ET

REVERENDISSIMUM DOMINUM,
D. STANISLAVUM

à BRZEŹIE

W O I E N S K I,
ECCLESIAE CATHEDRALIS CRACOVIENSIS,
CANONICVM,
S: R: M: SECRETARIVM.

Patronum, & Mecœnatem Amplissimum.

Quantum & qualem LEONEM TVVM Perillustris & Reuerendissime Dñe, Peraugustum Capitulum Cracouiense suspicit, Magna Nomina colunt, eruditorum copia veneratur; tantum ac talem exhibere, ad Solennem Natalis TVI recursum, studui: & verè studui, nam exhibere, ita ut par est, extra vires & conatū meum, non inficior: quoniam adeo præstans labor, præstantioris industriæ ac ingenij est; adumbrasse me tantum, umbratili suada, Igneum Insigne TVVM, fateor: cum lucem addere potui nullatenus: quanquam LEO TVVS natiuo lumine Illustris multum, addende lucis, à Cleant his cuiuspiam lucerna dimanantis eget minimè, habitis Domi suæ splendoribus ab Illustrissimis Comitibus à Brzezie in se vberius derivatis: maiora idcirco illi, Gentilitium Decus, destinavit ingenia, arcente ab hoc ausu, exilem calami meum, ipsâ tenuioris eloquij mei conscientiâ. Non est siquidem angustio-

gustioris pagine presentis, leuissq; pennæ meæ, magnitudinem, magni Nominis
TVI, Perillustri & Reuerendissime Dñe, comprehendere, circumscribere,
& in cacumen præcelsæ gloriæ *TVE* euolare; Amplitudo virtutis
TVE, ampliores vendicat sibi ex æquo Panegyres. idq; à præcipuis tantummodo
ingenijs, & ad Sacra *Mineræ* frequentioribus, concinnè fabricandas,
gloriosèq; diuulgandas. Accipiet acceptabitq; nihilominus (ut confido)
LEO TVVS, tributarium hoc pensum deuoti pectoris, (utinam ea fronte, quâ
olim Sannazarianum hexastichon, à Serenissima Maestate *Veneta*, acceptum fuit)
& natiua luce sua, tenebras obscurioris facundie propulsabit, umbrasq;
amceniùs illustrabit; me interim cum gratulatorio Natalis *TVI* affectu,
vota pro *TVO LEONE*, non minùs deuotè, quàm promptè, deponente,
ad Sacram *D. Tutelaræ Tui Aram*; Feras ille ætatem tantam, quanta
suis meritis, in Ecclesiam & Patriam debetur; deberi autem ex conscientia
multorum didici non modicam. Tendat felici passu ad sublimiora
dignitatum fastigia, quibus cum gloria apprehensis, teneat superbam,
cum prosperrimis euentibus fortunam. Sic vouet, sic precatur.

Perillustri & Reuerendissimæ Dominationi,

Deuinctissimus perpetuò,

M. PAVLVS IOANNES WOIEWODZKI.

ELO.

ELOGIVM I,

LEONI INTER ASTRA SPLENDENTI,

LEONEM WOIENSCIVM conformem esse,

Ille solus non aduertit,

Qui ad alienos splendores caligat,

Lynx in proprijs fulgoribus,

Clari Natales, eximiaq; in DEVM Pietas,

Talem hunc esse probant eximiè.

DEO enim deuinctissimum ANIMAL,

Illustri splendens origine:

Quam usq; ad Illustrissimos Comites à Brzezie, refert:

Ita Diuinis fauorabile est,

Vt in terris natum vix crederes;

Nisi iuncta concinnè Maiestati, Modestia,

Terrestre, raro exemplo, restaretur.

Non illud citius vllis mouetur iniurijs, quàm DEO illatis,

Nec vehementius alijs exultat honoribus,

Quàm DEO collatis.

Ad nihil ampliùs expauescit in terris,

Præter id solum, ne quid vnquam agat cælo indignum;

Laudabilis quippè timor est, circa reuerentiam Numinis.

LEONI DE TRIBV IVDA,

Tanta cum fide famulatur,

Quantam Orthodoxa Religio poscit,

Victrici illius trophæo tam arctè adstipulatur,

Vt vel exinde heroicum se esse demonstret,

Dum Triumphali Signo Cælesti, tutamen cum zelo præbeat.

Cultui Diuino Sacratos, adeò diligit singulos,

Vt totum se vnicuiq; impendere studeat.

Nec vlli maior hostis,

Quàm ei, qui DEO inimicus est.

Macte animo!

Pietate, prælustriq; origine, Insignis WOIENSCIORVM LEO,

Æternitati Nominis Tui, probè consultum:

Amor Religionis, memoriam immortalem, Tibi comparauit.

Hoc demum,

Christianum est, WOIENSCIVM est,

Cælo & Cælitibus ad sui obliuionem fauere,

Diuinorum reuerentiâ, & cultu propagato.

A

ELO.

ELOGIVM II.

Fortunatus Vauelli vertex, pretio & excubijs;
Illud habet, à Sacris D: STANISLAI Cineribus,
Has à Flammeo LEONE WOIENSCIO,
Tam fidissimo, quàm Vigilantissimo Excubitore.

Porro,

Adeò grandi thesauro, tantus debebatur vigil;
Ad mentem Summi mortalium Pontificis, SIXTI V.
Sacrum gazophylacium LEONI custodiendum.

COMMITTENTIS.

Cui pro armis quinq; flammæ,
Contra millenas aduersitates,
Bene sufficientes;

QVIBVS,

Æquè gloriosum, profana abolere, vitia exurere,
Ac Diuina fouere, virtutem illustrare;

*Non enim sceleri amicus esse potest, qui virtutem colit impensius,
Vno ictu expugnatur vitium, & virtus propugnatur.*

Ista qui rosas plantat, lolium extirpat.

Auolantibus Aquilis, Sacri Corporis Præsulei Custodibus,
Prouidè à Cælitibus susceptus est,

LEO WOIENSCIVS.

Qui ne in hac specula obdormiat aliquando,
Verendum nunquam:

Argo vigilantior est;

Quia apertis stat semper oculis,
Irretortas ad Solem æmulando Aquilas.

SEV

Quòd nihil in Eo tale reperias,
Præ cuius rubore, claudere debeat oculos.

Virtus siquidem publica, nunquam tenebris addicta est.

Bellicoso cognomini suo,

Heroica sanè fortitudine respondet,

Tam strenuè pro Aris pugnans,

Quam fideliter pro earundem pretio

EXCVBAT.

Inassuetus torpori,

Studiosus immortalitatis.

ELO.

ELOGIVM III.

Solertes huc adeste Symboliographi,
Quoties exprimere dulcis eloquij simulacrum meditamini;
LEONEM WOIENSCIVM,

Nobis proponite_,
In cuius ore dulces fauos miremur_,

Toties relecta epigraphe_;

EX ORE DVLCEO.

Quidni LEO WOIENSCIVS ambrosiam_,

In verbis, aut cum verbis fundat copiosius_?

Quem ad præclaras artes non minus aptum, quàm natum_,

Perillustris, & Reuerendissimus Dominus,

D. S T A N I S L A V S
à B R Z E Ź I E
W O I E N S K I,

ECCLESIAE CATHEDR: CRACOVENSIS CANONICVS, &c. &c.

Nobili optimarum scientiarum præda_,

Persuavi nectare, de elegantibus Oratorum floribus_,

Diligenter coaceruato,

Diligentiùs enutrit_.

Adijt enimuerò, non iam Hyblæos, vel Hymetios montes_,

Passim in figmentis vaturn vernantes:

Sed Vaticanum, Calpen, Gebennam_,

Tantâ gloriâ, quantâ magnificentiâ:

Ad Polonum decus natium, magnifica apud exteros agens_,

Artes optimas, didicit optimè,

Solius prauæ vitæ & ingloriæ nescius,

Omne studium virtuti mancipauit_.

Quocirca,

Non minùs facundus eloquio, aut facundus ingenio,

Quàm præstans virtutibus, nec semel non agnoscitur_:

Nulli non intimus ore suo disertus;

Illustrissimorum animorum, adeò prodigiosum illicium est,

Vt sublimium affectuum ubiq; Scopus,

An receptaculum dicatur_?

Principibus æquè utilis, ac amabilis_,

Magnorum virorum norma, & gloria_;

Excelsis operibus perficiendis percommodus_,

Ad illustria tantum natus 。

A
SERENISSIMO POLONIARVM
ET
S V E C I Æ R E G E,
IOANNE CASIMIRO.
J N

Augustissimam & cultissimam Nationum Galliam 。

Legatus,

Sub rigido Aquilone, disertos nasci Tullios,
Docuit.

Diu extra Patriam Apollini & virtuti litauit 。

Ne vel semel extra Patriæ, aut Ecclesiæ vtilitatem 。

Ipsis tantum Laribus sacrificaret 。

Dignus qui triplici diademate fulgeret 。

Cum æquè præesse, ac prodesse,

Animis, affectibus, moribusq; alienis nouerit 。

Actiuum ignem, de igneo suo IN SIGNI,

Hausisse Eum, crede indubitatus,

Nam reuera otio inimicus semper 。

Egregijs operibus, pro aris & focis, deditus,

Nobilitatem sanguinis virtute 。

Virtutem nobilitate illustrat 。

Graciæ decus Pericles erat 。

Sed fulgurans, tonans & omnia permiscens 。

Facundiâ suâ:

Decus & gloria est, Peraugusti Capituli Cracouiensis,

Perillustis, & Reuerendissimus Dominus,

D. S T A N I S L A V S

à B R Z E Ż I E

W O I E N S K I,

Vultu serenus, ore dulcis, sermone suavis 。

Quo non rarò flectit, tam efficaciter quàm prudenter 。

Ad foedus & concordiam, actos in diuersum animos 。

Eccur ad persuadendum non idoneus ？

Cum proprijs exemplis, dicta comprobare valeat 。

In aprico, in oculis omnium, ita subsistens 。

Ac si cælum ipsi, theatrum esset 。

Quare,

Czla-

Triples
Corona,
Stemma est
Augustiss.
Capituli
Cracou:

Cælate Phidixæ, formate Polycleti, fingite Myrones,
Sculpите Praxiteles, pingite Apelles, exprimate Politici,
LEONEM WOIENSCIVM,
Eruditum, Probum, Facundum, Pacificum.

XX
ELOGIVM IV.

Palladi deuotum, cùm celebras,
LEONEM WOIENSCIVM,
Themidi intimum altiùs deprædica.

Nunquam Is à lepore captus,
Pro feris scelera persequens,
Flammis suis, non minùs illustrat virtutes,
Quàm exurat vitia.

In iudijs Tribunalis Regni, quoties iudex,
Toties æquitatis Patronus,
Illicitæ prædæ inhians minimè,
Aristidem in iustitia maximè æmulatur,
Æquior Minoe, quia Religiosior:
Inter subsellia memor Supremæ Maiestatis,
Ad sui pæne obliuionem.

Astrææ tantus fautor,
Quantus profligator scelerum,
Pariter hinc odium, ac istinc amorem
aucupando,

Vtrumq; tamen in encomium sui, non imprudenter
vertens,

Genuina prudentiæ norma:

QVARE,

Dum iustum amas, Prudentem suspice:

Nec poscas alium,

Cui ex mente ingeniosi Politici,

Serpens (Prudentiæ Symbolum) circumuoluatur;

Hic utique,

Tam in præclarè agendo constans,

Quàm in sapienter consulendo utilis,

Certitudinem incertis, ita adstruit,

Quemadmodum dubijs metum adimit.

Anceps & instabilis fortuna, si quando in Eum incidit,

Quadratum & scopulum inuenit,

Ad quem allisa frangitur, non frangit.
Vt nunquam casum noscat,
Legum prudentiæ, bellè gnarus est.
Et cùm aprico in Sole versari amat,
Inter rudera latere odit;
Suetico proinde furore dirutas ædes,
Cùm inuenit.

P E R I L L U S T R I S V I R,

Et integro refecit,
Solidæ suæ dexteritatis typum,
Posteris daturus.
Ne verò è labili memoria hominum,
Vix præsentia tenentium, magnificum opus excideret,
Marmorì illud incidi fecit:
Quanquam ipse Author Magnificentissimus,
Immortalitatem sibi, ipsis virtutibus plenè despondit.

Porro.

Aulam suam eò magnificentiore reddidit;
Quò deteriore accepit:
Ornavit splendide,
Nam decoris cuiusvis verum exemplar est;
Cùm ita se illustrem esse meminit,
Vt nullam indecoris umbram, etiam in locum subsistendi,
admittat unquam:
Ita præclare gestis ad sublimia progreditur,
Vt deprimat neminem,
Dedignatus callidum astum, an dolosum factum aliorum?
Quibus non aliter assurgere concessit fortuna,
Cùm careant virtute,
Quàm per fractam dolo cervicem alterius.
Sed proh dolor!
Pessima hæc incrementi methodus,
Ab urgente sæva Nemese, corripitur, an corrumpitur
ignominiose?

Equidem P E R I L L U S T R I S V I R,

Ante dignitatem illâmet dignus,
Quam & suo accessu auxit:
Gentilitio Igni conformis, lucidum se præstare ubiq; satagit,
Vbiq; virtuti locum esse docens;
Infra virtutem verò literis nihil habens carius,
Literarum Mecænas & Fautor maximus,
Quia eruditissimus,


Aure-

Aureum illis crebrò porrigit solamen,
 In tam squalida & ferrea ætate,
 Vt aurea Saturni sæcula, ad Heliconem & Parnassum,
 glorioso exemplo reuocet.
 Dignus liberâ Patriâ Filius!
 Qui Titum liberalitate, Scaurum grauitate,
 Augustum ingenio, Iulium Cæsarem eruditione,
 Si non superare omnino æquare videtur:
 Summis quibusq; Nominibus carissimus, quia simillimus.
 Felicissimus cuius in vita, nihil arguere possis,
 Nihil in exacta prudentia damnare.
 Felix Peraugusta Perillustrium Virorum series,
 Quod tantum Virum habeat,
 Qui gloriam omnem in se tanquam in theatro circumfert:
 Felicior quòd habere meruerit.

ELOGIVM V.

Aduersâ oppressis fortunâ,
 Factus asylum,
 Fortunatissimus L E O WOIENSCIVS,
 Depressam aliorum sortem erigit sæpius,
 Bonum se probans optimè,
 Beneficiorum diffusionem;
Vnde,
 Tot suæ munificentiae habet præcones,
 Quot clientes numerat:
 Quorum ingentem numerum, grandia monstrant beneficia,
 Ad quæ obstruit aditum nemini,
 Patente cunctis liberalitate sua.
 Hac Diuina pæne industria,
 Æternum sibi inter mortales construxit encomium;
*Cum in censum Diuinitatis, nulli virtutum,
 venire promptius concessum,
 Quàm munificentia.*
 Ad altam eminentioris Vauelli speculam,
 Supremo virtutum suffragio prouectus est,
 Quò meliùs spectaret atq; corrigeret,
 Deprauatam Fortunam cæterorum.

Ita,
 Immortalitatem non minùs genere nobili,
 Quàm virtute promeritus,
 Felicem se non arbitratur, nisi cum egenorum curam gerat,
 Ut esse vtilior, quàm dici possit.
 Exterorum Lares inuisit, atq; immensam illorum capacitatem,
 Magnitudine sui Nominis, & maximæ munificentiae
 Famâ compleuit,
 Docturus posteros cum exteris,
 Quemadmodum Phœbo, in Domo LEONIS commorante,
 Opima messis fit;
 Ita LEONE WOIENSCIO, exoticum percurrente Zodiacum,
 Beneficia abundè spargi,
 Quorum diuturna signa, an testimonia perpetua?
 Exstant firmiter,
 In Gentilitijs Armis suis, illismet ACADEMIIS, affixis.
 Id certò habere se arbitratur,
 Quod liberaliter effundat.
*Nullæ siquidem firmitus possidentur opes,
 Præter munificè datas.*
 Dum verò plurimorum auget copiosè fortunam,
 Minimè propriam minuit,
 QVONIAM,
Fœcundus est munificentiae ager:
 Qui ad vota, grati pectoris, proferat,
 LEONI WOIENSCIO,
 Fructus opimos, Famæ immortalis.



2,

